


Jas

Carolus

Cynerske Joannis Sydelus in umbra



S Y D V S

IN V M B R A,

S I V E

IN MÆRORE SOLATIUM,

Ob luctuosum occasum,

ILLVSTRIS AC MAGNIFICI OLIM D.

THEODORI CAROLI,

Comitis à Tarnow

KRZEPICEN. KLOBVCEN. ZYzMORIEN.
CAPITANEI.

A

M. IOANNE CYNERSKI RACHTAMOVIO, S. Th: P.

S. Flor: Can. officiosa pietate, ad feralem vnam
exhibitum c. q;



CRACOVIAE,

In Officinâ Typographicâ Valeriani Piątkowski, Anno
Domini, 1647.

Biblioteka Jagiellońska



stdr0000315

Luna tua non minuetur, quia erit tibi Dominus, in lucem sempiternam; & complebuntur dies luctus tui.

ISAIAE cap: LX.



Sydes in Umbra hæret, lux in tenebrisq; quiescit,
Mors immortalis, per pia facta nitet.

22057 III

Illustriss: & Magnificis DD.

D. IOACHIMO

PARNAVIEN: PALATINO,

Venden: &c. &c. Capitaneo.

ET

D. MICHAELI

In Wielowessio, Dzikow & Zborow

HÆREDI,

CASTELLANO WOYNICEN.

Fratribus, Comitibus à Tarnow

Dominis & Patronis meis pereximiè
obseruandis,

M. JOANNES CYNERSKI RACHTA-
mouius, S. Th: P. ad S. Flor: Can. Salutem et in merore
solatium.



Raue grandeq; vulnus, quod Illustris Ve-
stra Domus, ob immaturè raptum Illustr.
THEODORVM CAROLVM, accepit, etià
improviso marore nostri Lycæi confudit
eloquentiam. Illustriss. Comites TARNO-
VII. Toto isto Scriptionis tractu, nec ver-
ba habuimus composita ad concentum, &
nihil nisi Veritatem misimus ad solatium.

Nam sicut calenti vulnere sensus deest: ita nondum exactus pri-
mi doloris turbo, recenti calamitate inducit stuporem. at ubi
flexu temporis, vires mentemq; collegimus, ausi sumus, à Gen-
tilitio Vestro Sydere, imo vel ab Umbra, petere solatium. cum
deduximus Sacra potissimum paginae testimonijs, qualis sit, &
quàm præceps, humanæ sortis conditio; & quam citò, quamq;
semper, ac in dies, & momenta moriamur. Dedeet Sacris ad-
dictum mysterijs Sacerdotem, nisi è Sacris fontibus, delibare do-
loris leuamenta. quæ plus ponderis & sanitatis habent in sensu,
quàm in complexu verborum lenitatis. Horrida res est (imo si
res est, quæ est rerum priuatio) ipsaq; cogitatione tristissima
(2 Mors,

Fran. Pe
trar. de
remedir
vriusq.
Fortuna
lib: 2.
c. 48.
Tertull.
li. de pa
tien. c. 9.
D Hiero
ep. 250.

MORS, ideò furum amat squallidumq; colorem, & omnem de
spicit dictionis apparatus. Sed tamen leuiora illa sunt, quæ pas
sim ad omnes spectant, quàm quæ vnum fatigant; soletq; patien
tiæ, maius dare robur, communis calamitas. Vanum est time
re, quod vitari non potest. Hanc Lybitinam, nulla diligentia ef
fugit, fælicitas nulla domat, nulla potentia euincit, pietas demul
cet nulla, sanctitas, & auctoritas nulla reprimat vel coërcet. Enim
uero quicumq; viri fortes visi sunt, à conscientia rectè factorum,
tum à literis, in discrimine doloris, præsentia remedia petierunt;
quorum exempla, refert ille perspicacis ingenij, iudicijq; potētis
author, qui remedia grassanti vtriq; Fortunæ, præscripsit hominib;
bus ad sanitatem. Grauitur quoq; vt omnia, antiquiss. Doctor
Tertullianus; Profectio est, inquit, quam putas mortem. Nō est
ludendus, qui antecedit, sed planè, desiderandus. Id quoq; desi
derium, patientia temperandum. Quem enim immoderatè fe
ras abiisse, quem mox subsequeris? Inter miracula propè dixe
rim refert D. Hieronymus Paulæ constantiam de obitu Blefillæ.
*Rem sum, inquit, dicturus incredibilem, sed, teste Christo, non fal
sam. Quis illam tunc non putaret, more lymphatico, sparsis crini
bus, veste conscissa, lacerum pectus inuadere? Lachrymę gutta
non fluxit! stetit immobilis! et ad pedes Christi deuoluta, quasi ip
sum teneret, arripit! Expeditius, inquit, tibi seruitura sum Do
mine, quia tanto me onere liberasti.* Quanquam non hæc ideo
dico Illustriss. Palatine, quasi de Tua animi moderatione delibe
rem. Agnouisti in Filio Illustriss. Palatine, eximiā Dei benignita
tē. Mens bona, vigor animi, industria, magnanimitas, plurimū Te
recrearunt. Affinitates cognationeq; decus & ornamentū attu
lerunt. Ex priore Illustris THEODORI Consorte, Elisabetha Cathe
rina de Podberesko, Casimirū ingenuæ indolis Spectas Nepo tē,
HELENÆ quoq; DANILOVICIÆ, in puerperio (vt Poëtarū more lo
quar) benigna Lucina fauebit. Nā DANILOVICIA Luna fæderato lu
minis sydere prægnās nō potest, nisi magnū parturire pignus. Bono
equidem auspicio, vtraq; TARNOVIA & DANILOVICIÆ Gentis Sy
dera, coniuncta sunt. Vtraq; antiqua meritorum propagatione,
vt cum Cælo certare possint, creuerunt. Vtraq; Cæli Sydera usur
parunt ad gloriam. Nec ambigimus cōsonam illā debere esse ami
citiae charmoniam, quæ singulari modulatione Cælo suam origi
nē duxisset. Et ipse quidē Filius, quāquā medio in spatio integræ
ætatis ereptus, quantū ad gloriā lōgissimū æuū peregit. Tu Ill. Pa
latine super, præmisisti nō amisti Filiū. Te verò Ill. Castellane, cū
Filio Tuo chariss. quē DD. Petri & Pauli in patrocinio à Sacro
fōte, nomine imposito esse voluisti, diuina protegat benignitas,
vt vestra Gētilicia Luna, nunquā nisi πανσελευς agnoscat.



S Y D V S

7 X

V M B R A.



Q V O D lugemus omnes, lethali vm
brā sydus compressum amænissi
mum, proferat tantisper beneficio
dictionis, lucem suam in orbem cō
spectumq; nostrum, dum eius vim
atq; splendorem, vel leuiter medita
tione possumus attingere, ILLVTRISS:
COMITES TARNOVII, cæteri; Hospites mæstiss. Nam
si tantummodò, Pater vnicum Filium, Patruus Nepo
tem chariss. Amici Cognatiq; Amicum desideratiss.
& Virū Vicini Hospitesq; in hac ætatis firmitate flo
rentissimum, à nostro conspectu præcipiti casu abre
ptum obstupescimus, & non altioribus etiam defixi
cogitationibus, breuem vitæ humanæ & incertam or
bitam, variosq; euentus atq; pericula contemplamur,
rem profectò facimus nostro officio, minus dignam,
opusq; periculosa tractamus aleæ, per ignes suppo
sitos Cineri doloso incedentes. Tum demum enim
piè sanctèq; in hac mortalitatis statione versamur, &
saluti nostræ consulimus, cum fluxam & euanidam,
rerum humanarum cōditionem, quæ nulli ætati, nul
li dignitati satis firma & constans est, quotidie nobi
scum expendimus, & ex vicinis, nostrumq; sensū palā
b incur-

incurrentibus exemplis, quid accidere nobis possit
penſitamus: atq; adeò contra fugaces huius vitæ ille-
cebras, & meras vanitates strenuè depugnamus, infe-
riora hæc despiciamus, cælestia suspicimus, inq; illam
beatorum Ciuium sedem cogitatione totisq; Viribus
contendimus, vbi pax sine confusione, tranquillitas si-
ne fluctu, sanitas sine vicissitudine, sine tædio fælici-
tas, sine intermissione lætitia, sine fine æternitas per-
manet atq; conquiescit. Submoueamus igitur mi-
seris oculis, inuisa tandem dolorum simulachra, nec
Illustri THEODORO CAROLO COMITI TARNOVIO,
quod inſperato casu & occasu ocubuerit, quicquam
noui accidisse arbitremur. Quid iuuat funera toti-
es deplorata, importuno fletu reducere ad feralem
põpam, aut inexorabilibus lachrymis, vrgere semper
damna, quæ reparari nunquam possunt? ac insuper
leuamenta luctus, more præficarum, à luctu quære-
re? Præstat non solum Orationem, sed etiam cogi-
tationem omnem, si non ad euertendum, saltem ad a-
uertendum ac leniendum dolorem, conuertere. Et
tametsi, nihil difficilius sit, quam magno dolori, pa-
ria solatia reperire, cum præsertim exiguus dolor lo-
quatur, ingens fileat stupeatque; eo tamen pietatis &
humanitatis officio, *Illustrum Comitem Tarnouium*, vita-
functum, THEODORVM CAROLVM venerabimur,
quod nobis gentilitium Symbolum, atq; hoc, quod la-
tet Sydus in Vmbra proponit. Vt igitur ingeniosi
pictores ingētes, Orbium ac lucentium Syderum tra-
ctus, in breui cum necesse est tabella, magis adum-
brant, quàm depingunt, nec lucem tamen Cælestem
minuunt, etsi volubiles stellas breuib; cancellis co-
arctant: sic nos heroicas Illustris THEODORI CAROLI
COMITIS TARNOVII Virtutes, velut Sydus in Vmbra
contem-

cõtemplemur, & quod sibi ipse vita pie iusteq; trans-
acta parauit decus expendamus, vt ab hac Syderis
Vmbra, lucem meritorum, in amplissimo ambitu im-
mortalitatis, *Illustris: Gentis Tarnouiae* possimus intueri.

Ac mihi quidem inſperatos casus variosq; euen-
tus perpendenti, fatalis quædam calamitas, rebus in
humanis maximè dominari, plurimumq; sibi vendi-
care videtur potestatis. siquidem vt ingeniosus poeta-
ta latis energicè pronuntiauit.

Ludit in humanis diuina potentia rebus.

Neq; hoc in nostra positum est voluntate, vt casus ad-
uersos industria aliqua aut ingenij sagacitate auerta-
mus, sed illud potius nostri muneris atq; officij cense-
amus, vt vitam hanc quam breuib; admodum can-
cellis circumscriptam esse constat, innocentia, pie-
tate, animi moderatione, æquitate, promoueamus,
& immortalem quodammodo, vt illustre sydus in
vmbra mortalitatis luceat faciamus. Vnde fiet, vt im-
prouida mors non sit illi, cuius prouida vita fuit. Nam
quo pacto rerum maxima negligat, qui parua, qui mi-
nima, librare sit solitus? humanis autem in rebus, quid
maius morte monſtraueris? quid par morti? Sic Sa-
pienti, quiq; eminus cuncta præuiderit, nihil inſpera-
tum, inopinum nihil accidere posse, non ambigitur.

Sed homines (ait sapientiss. Romanorum) *ita compo-*
siti sumus, vt nos quotidiana, etiam si admiratione digna sunt, Seneca
tranſeant: contra minimarum quoq; rerum, si insolitæ prodie- lib. 7.
runt, spectaculum dulce fiat. Hic itaq; cætus astrorum qui- quæst.
bus immensi corporis pulchritudo distinguitur, populum non nat. c. 1.
conuocat. At cum aliquid ex more mutatum est, omnium
vultus in Cælo est. Sol spectatorem nisi cum deficit non ha-
bet. nemo obseruat Lunam nisi laborantem. Tunc vrbes
conclamant, tunc pro se quisq; superstitione vana trepidat.
Quanto illa maiora sunt, quod sol totidem (vt ita dicam) gra-
dus,

duſ, quot dies habet, & annum circuitu ſuo claudit: quòd à ſolſtitio ſtatim inclinat, & dat ſpatium noctibus: quòd ſyde-
ra abſcondit: quòd terras, cum tantò maior ſit illis non urit,
ſed calorem ſuum inſenſionibus ac remiſſionibus temperando
fouet: quòd Lunam nunquam implet, niſi aduerſam ſibi, nec
obſcurat. Hæc tamen non annotamus, quam diu ordo ſer-
uatur. Si quid turbatum eſt, aut præter conſuetudinem e-
micuit, ſpectamus, interrogamus, oſtendimus. Adeò natu-
rale eſt, magis noua; quam magna mirari. Hanc iplam
LUNAM, cur rerum cæleſtium interpretæ Aſtronomi,
lumine plenam ſiue integram, vocant, dum quo
creſcat non habet; ſed potius habet, quo in ſingula pæ-
nè momenta decreſcat, non intelligo; niſi fortè no-
ſtræ mortalitatis viciffitudinem depinxerint. Tanto
enim minus integra eſt vita noſtra, quam ſyduſ Lu-
næ: tanto minus certa, quod incerta futuri eſt, certa
præteriti, nullis vnquam remedijs inſtaurandi: hoc
tamen illi ſimilis, quod nunquam ſibi ſimilis. Motu
ſiquidem perpetuo Cœlum voluitur: momenta ho-
ras, horæ diem rapiunt, is alium diem trudit, iſq; a-
lium; & nunquam quies: ſic meſes prætereunt, ſic
anni; ſic & ætas currit, ac properat, imo volat. Ex
quo loquimur mutatio illi inceſſit, & modò per ſingu-
los ſyllabarum tractus, vitæ aliquid diſcedit, accedit
morti: ſemper illa præterlabitur, ſemper hæc inſtat.

Quotidie morimur (idem Stoicus Rom. ratiocinatur)

Seneca
Ep. 14. *quotidie enim demitur aliqua pars vitæ, & nunc quoq; cum*
creſcimus, vita decreſcit. Infantiam amiſimus, deinde pue-
ritiam, deinde adoleſcentiam, uſq; ad heſternum quicquid
transijt temporis, periijt. Hunc ipſum quem agimus diem, cū
morte diuidimus: quemadmodum clepſidram, non extremum
ſtillicidium exhaurit, ſed quicquid ante deſluxit: ſic vltima ho-
ra, quæ eſſe deſinimus, non ſola mortem facit, ſed ſola conſum-
mat. Tunc ad illam peruenimus, ſed diu venimus. Præ-
ſens

ſens igitur tempus breuiſſimum eſt, adeò quidem, vt quibuſ-
dam nullum videatur; in curſu enim ſemper eſt, fluit & præ-
cipitatur, ante deſinit eſſe quam venit; nec magis moram pati-
tur, quam mundus, aut Sydera, quorum irrequieta ſemper
agitatio, nunquam in eodem veſtigio manet. Eant nunc
ambitioſi homonciones, & de diuturno tempore vi-
tæ glorientur, cum nihil poſſideant præter vmbra-
m! Quam verum eſt illud effatum patientiſſimi Iob: Iob 14.
Cū dicit hominē fugere velut Vmbra. Et Rex David
Dies noſtri quaſi vmbra ſuper terram, & nulla eſt mori. Quo
igitur vmbra maior, eò nocturnis tenebris propinqui-
or. Imo ſicut vmbra dici poteſt quædam nox; ita
vita noſtra mors vitalis: aut vita mortalis: quo in
argumento non minus vere quam ſubtiliter immora-
tur, perauguſti oris D. Auguſtinus. Nunquam inquit
in vita homo eſt, ex quo eſt in corpore iſto moriente, potius
quam viuente: ſi & in vita & in morte ſimul eſt: in vita
ſcilicet in qua viuunt, donec tota detrahatur: in morte autem
quia iam moritur, cum vita detrahatur. Si enim non eſt in
vita, quid eſt quod detrahitur, donec eius fiat perfectæ cōſum-
ptio? Si autem non eſt in morte, quid eſt vitæ ipſa detractio?
Quæ cum ita ſint, nemo præfixam ſibi periodum ſu-
perare, nemo ante diem mori, nemo fatorum vim a-
damantinam euitare poteſt. Satis diu vixit, quiſquis
benè. Quid verò iuuat, ô miſera mortalitas, animam
per tot annos, etiamſi natura patiat, per infinita
temporum ſpatia, triſtiſſimo corporis retinere com-
plexu? Si cuncta gaudia noſtra, ſi voluptates, & quæ-
cunq; ex hac vniuerſitate mundi, vel ſollicitant aſpe-
ctu, vel blandiuntur uſu diligenter excutias, tota vita
hominis vmbra eſt, vel vt acutius Pindarus vmbre ſo-
mniū, vel vt alij bulla atq; ros matutinus, qui minimo af-
ſlatu venti, vel radio Solis attactus ſubito euaneſcit.
Quare quiſquis honeſtis operatus artibus nouit, quis
ſit finis bonorum, quæ vera hominis felicitas, nunquā
ſibi

sibi videbitur immatura morte periturus; sed memor humanæ fragilitatis, memor fluxæ sortis, ad æterna suspirabit, immortalitatem suspiciet, spem firmam in summo Conditore locabit, atq; ab umbra mortis, ad æternitatem lucis euolabit, in eaq; securus conquiescet. Hoc itinere benè præmunito, ab exilio in Patriam, à morte ad veram vitam demigravit *Illustr:* THEODORVS CAROLVS COMES TARNOVIUS, qui omnia vitæ suæ vota, omnia studia, ac præclaras actiones, spiritum deniq; suum tempestiuè diuinæ resignauit voluntati. Enim cum aurea vena ætatis reliquæ, sit adolescentia, a qua velut aurora, meridiem vitæ ominamur; eam primū domi, cura consilioq; vigilantissimi Parentis, optimis artibus perpoliuit: & ne deinde ob annorum lubricitatem, aliqua prolapsione, extra honesti semitam exerraret, solidis eam communiuit disciplinis. Enimuero eadem cum sit virtutis, quæ flammæ surgentis ratio, vt diu latere non possit, erupit tandem æmulo Vlyssis impetu, in *Germanias, Gallias, Italiam, Belgium*, vbi plures amicos inuenit, quàm hospites; quibus frui posset, non vti: nec admirationem tantum reportauit, sed & famam. Illud Cælum peregrinum, cum commodè latis haussisset *Illustris* COMES THEODORVS, in patrium redijt solum, maximo libertatis incitatus ardore. Cum a libertate non possit esse alienus is, qui in ea natus est. Hic plurimo cinctus artium & Virtutū Comitatu, *Illustr:* COMES facile in se flexit amicorum oculos, & fauorem Principum. Ad aulam enim ab omnibus animorum pestibus, ita seiunctus fuit, vt nec vicinas habuerit; ita præcauit, vt nec hospites admiserit. Sciuit corpori animum, animo virtutem, Virtuti Deum debere imperare: quare & corpus illecebris nunquam

quam credidit, & animum in corpore habitare, non viuere voluit, eiufq; esse non socium, sed Dominum, atq; Regem. Quis satis luculenti Oratione explicauerit, formatos ad honestatem mores, grauitatem sine fastu, sine suspitione modestiam, dignitatem oris sine supercilio, animi candorem sine fūco, ingenium mite, Solers, amænum; mentem ingenuam, apertam, ac nesciam simulandi; quàm pius in Deum, religiosus in Superos, quanta in amicos fide, in omnes humanitate? Quanta verò in Patriam fuisset charitate, quid in re plana conquiram argumenta, aut verborū ludicris conformationibus, veritatem ipsā illustrem? cum non speciosam magis, aut fucatam, quàm solidā & verā, præstantissimæ eius, virtutes requirant Orationem. Quod si taceamus nos, loquuntur publici sumptus, loquitur splendor aulicus, magnanimitas, magnificentia, rebus in agendis prudentia, atq; fælicitas, cæteraq; præsidia, in legationibus à S. R. M. destinatis, cum ad Potentissimum Imperatorem FERDINANDVM II. tum ad Christianiss. Galliarum Regem; in deducenda Sereniss. CÆCILIA RENATA, ac deinceps hac Cælo renata, Serenissima. LVDOVICA GONZAGEA, exquisitè comparata. Ea Comitatus *Illustris Comes Tarnouius*, sciētia, temperantia, grauitate, dignam stirpe TARNOVIA indolem ad perspicacem S. R. M. æquitatem explicuit, & in conspectu Ciuium Patriæ probauit, vt ad eos tandem veniret, quos consecutus est honores. Quid enim non summa laude in illo dignum? imo quid non diuinum? Nascenti illa cōtiguit ei claritudo, quæ splendore suo Cælos attigit, & regiones has inferiores illustrauit. Nimirum Gens TARNOVIA cum nominis sui famam, celeriter tanquam flammam, vltra Orbem

hem Sarmaticum, in aridas Asiæ partes promouisset, prorogassetq; à Cælo & Syderibus cognatum lumē debuit auspicari! Quicquid terrarum Septemtrio tegit, quā latè à Carpathis montibus ad Caspium mare, a glaciali Oceano, ad Pontum Euxinum protendit Europa, quicquid vel iusto imperio Poloniarum Rex, vel hæreditario iure continet, id *Leliuarum* fortissimi bellatores, tot sæculis illustri fama rerumque gestarum gloria compleuerunt. neq; enim *Lunam patriciam Quirinalibus tholis*, sed Bellonæ Phalangibus acerrimis asseruerunt, vt memor meritorum alacrius surgeret ad imitationem posteritas. *Leliuarum Principes*, imperatorio onusti paludamento, *Lunam nocti lucam*, non more Romanorum in *Colle Palatino*, sed in deujs ac inuijs Sarmatiæ campis, ad iustam Imperij propagationē peruigiles salutarunt; ac frustra fremētib; vndiq; barbaris oppositu pectorum suorū, pacē & quietem Orbi Christiano reddiderunt. *Leliuarum Dynastæ*, quoties rigidam Martis Orchestram exercuerunt, toties fugam Scythis, stragem Turcis, terrorem Moschis perduellibus incusserunt! quoties cōplecti Pacis studia maluerunt, prudentiā firmare regnum, regijs propè sumptibus excitare templa, propagare pietatē exemplo, Religionem augere meritis, felici condictamine potuerunt, veri virtutis, pietatis, magnanimitatis, ex asse hæredes, ac prodromi. Non desiderauit vnquam ex hac Gente Resp. Herculis clauam, Symbolo Lunæ insignitam; non Ægyptiorum Isidem, plenis vberibus munificentiae redundātem; non Xenophanis Orbem Pythagoreis Urbibus, in facie Lunæ circum fusum: & si quando Othomanicæ productæ sunt in aciem Lunæ, semper ad Caput, aut caudam Draconis compulsæ, defectu luminis

nis trepidarunt. & quia ea Gens Asiaticum toties cōtundisset fregissetq; Tyrannum, illius Lunas in suum traxit obsequium. Quod si illa duo fulmina belli, *Joannes Maior*, & *Ioannes Gratus* COMITES TARNOVI^{Crom!} cum VLADISLAO IAGELLONIDE ceciderunt ad ^{1. 21.} Varnam, non victi, sed vincendo fatigati; ex eorum ^{Bōfinus} tamen vulneribus, plus gloriæ Genti Polonæ, quā ^{Dec. 3.} sanguinis profluxit. Nimirum nunquam, *Magna sydera*, se illustrius produnt, quā ^{lib. 6.} in *Umbra*! nullibi magis, quā in periculis, & pietas eminet, & virtus audet fortia. Quare prouidus ille fatorum genius, quos illustri femita, voluerit ad famam æternitatemq; grassari, illis pro Patria in solo peregrino mortem solet designare, tanquam lucrum! vt barbaricum furorem, exterreant fortitudine, vel post fata! Fælices nimirum, vt mollitiem exprobrent, quæ *ad umbram* hostilem, obrigescit. Sed longum esset ea dicere, quæ nulla vnquam facundia, satis dixerit. Vos alloquor nationes, vrbes, populi, Reges, Tetrarchæ, Principes; vos deniq; mutæ regiones imploro, & sola terrarum vltimarum, vos testor maria, portus, insulæ, littoraq;. Quæ est enim ora, quæ sedes, qui locus, in quo non extent GENTIS TARNOVIÆ, cum fortitudinis, tum verò pietatis, tum animi, tum consilij impressa vestigia? Prorsus affinitatem amant, Magna Cæli sydera, & Magnatū splendor. vt enim illa idè serena sunt, vt vel *in umbra* luceant! & cum vnum illustrarint locum alio festinant, vt exornent: ita mutant sedem, illi, vt vbiq; prosint! nec cessant esse, vbi fuerunt. Leguntur hæc inscripta, imo infixa annalibus æternitatis, vt fuerint Patriæ propugnatores, ac propagatores Religionis auitæ, id est, Orthodoxæ, *Comites Tarnouij*! vtq; illis Cælum semper fuerit in oculis, in pectore æ-

d

terni-

ternitas! & fluxa hæc contemnebant vt immortalia,
lucrarentur. Si quis remotius oculos mittere nolit,
Vrbium Reginam, & Caput orbis Poloni aspiciat *Cra-*
comiam, sedem nidumq; Illustriss. Comitum Tarnoui-
orum adeat *Tarnouiam*, cæteraſq; magnificas ditiones,
Iaroslauiam, *Czarnogradum*, *Tarnopolim*, *Zochouium*, *Wie-*
lowieſſium, *Melſtinum*, Magnam *Xia*; & quæ ob inui-
diam (quoniam ad alienos Possessores transierunt) cõ-
memorare negligimus, arces, propugnacula Ciuita-
tes. templa constructa magnificè, Asceteria dotata
liberaliter, Monasteria composita religioſè, quibus
Symbola Stellatæ Lunæ præfixa sunt. Quanquam
ego, in Comitum nostri luce monstranda (quæ omni-
um oculos perstringit) nolo Maiorum gentilitia sy-
dera arceſſere, quorum nomina cum terras excessif-
ſent, Cælo inſcribi debuerunt, vt clariùs ſine nube æ-
ternitati præluccerent. Hic quidem eorum Cineres,
in monumentis Maiorum, velut in vmbra reſident, ſed
animæ beatæ in Capitolio æternitatis, æuo perfruun-
tur ſempiterno. Hoc Maiorum, ſtipatus Comitatu
Ill. Comes THEODORVS TARNOVIVS, merita meri-
tis auxit, nec ab gentilitij ſanguinis hæreditario iure
abſceſſit. Erat illi ſalutæ ſyduſ, & vnica Cynofu-
ra, Eccleſiæ & Patriæ prodeſſe. Auiti ſtemmatis i-
mago, pullabat ſubinde virum, hortabaturq;, ne vi-
gilino bſequium animus, qui Lunam, ſyduſq; ſpecula-
retur, a Cælo cæleſtiumq; contemplatione abiret.
Meminiſſet ſic diem, ſic noctem illuſtrare, vt erraticis
etiam, inter Aulæ Tropicos ſtellis, exemplum inno-
centiæ preberet. Inde parum illi fuit neceſſitati ſtu-
diſſe, ſingulorum ſibi neceſſitates obligauit; quan-
do ſaluti egentium ſtudiuit, & in dies alimenta porre-
xit. Quid afflictoſ vltro conquirere, dare ſalutem
miſe-

miſeris, in Catalogum referre deploratoſ, miſſa ſtipe
ſubuenire, & neſciri petere, an hoc non grande pie-
tati argumentum eſt? Nam vt Syderum Vires ple-
runq; quæ Maiores, ſunt arcanæ ſunt: ita qui facit be-
neficiũ, & feciſſe, audire non vult, & in facto re-
perire laudem debet, & ignorantia magis innotefce-
re. Verè Illuſtris COMES TARNOVIVS THEODO-
RVS, verè CAROLVS & ipſo nomine magnus; qui
ne in ſcæna oſtendat pietatiſ munus, obſcura ma-
nu geſſit, manu impleuit liberali. Nam diuini doni
& nominis memor, in verecundiam fuit non neceſſi-
tatem tantum liberaliſ; & ne pudor inopiam redime-
ret, preceſ præuertit: vtq; liberalẽ in integro ſerua-
ret voluntatem, voluit, vbi dedit latere. Hiſ meritiſ,
ſtratam ad æternitatis arcem viam, quæſiuit & inue-
nit THEODORVS, vidit, & prona mente ſecutus eſt.
Verum hæc omnia, cum ſint prolixæ pietatiſ fortiffi-
ma in hoc præcipiti caſu & occaſu Ill. COMITIS THE-
ODORI ſolatia; illud quod illi primum fuit & extremũ
non omitram Aud. Etenim ſæpius dum per inſomnes
noctes, cognatæ affinitatiſ memor,

Sydera cuncta notat tacito labentia Cælo,

Stellarum Cæliq; Reginam, Sydereis redimitam,
Coroniſ, Lunaq; pulchriorem, ſubmiſſo pietatiſ obſe-
quio venerabatur. Huic ille ſtata precum penſa,
dum adhuc puer operam literiſ addicebat, nobili ſer-
uitute decurrere, legem ſibi dixerat: nihil ob ipſiſ ve-
nerationem loqui, niſi æthereum, nihil agere, ac ne co-
gitare quidem, niſi quod perennem D. Matriſ ſpira-
ret amænitatem. Nempe Numen infinitum eſt, nul-
la cogitatione bonitas eiſ, nulla prædicatione com-
præhendi magnitudo poteſt. Proxima verò Numi-
ni Virgo eſt, quæ Numen peperit, quæ Deum terris
dedit

dedit Saluatorem. Quisquis igitur semel Matrem,
semper Virginē officiosa Supplicatione laudat, vene-
raturq; iā faciliore facilioreq; passu, ad Deū accedit.
Huc assurge Orthodoxa pietas, huc Vestras conferte
voces diuinorum mysteriorum arbitri, Magni Dei, ma-
gnæq; Matris & Virginis precones: docete præuisis
Orbem Vniuersum argumentis, quæ & quanta suis
cultoribus & alumniis, hæc Magna etiam Magnorum
peccatorum Patrona, præmia ac priuilegia apud eum
quem genuit Deum, impetrare potest. Audite pec-
catores, decretalem & ex intimis pietatis præcordijs
fulam D. Anselmi Sententiam. *Qui ad MARIAM,*
inquit, *Supplex accesserit, impossibile est ut pereat. Et ipsa*
velit, nos nequaquam salui esse non poterimus. In eam quo-
que Petrus Damiani erumpit vocem, dum sic Virginem
Deiparam alloquitur: *Quomodo illa potestas, potentia tue*
poterit obuiare, quæ de carne tua, carnis suscepit originem?
Mellitissimus porro Bernardus Suauissima Vt solet Sua-
della, altissimum hoc recludit arcanum, atq; docet;
Non posse sustinere repulsam, qui quod Deo offerre vult,
quantumuis modicum, gratissimis MARIÆ manibus offe-
rendum tradat. Et ipsa inquit tenente non corruis, ipsa pro-
tegente non metuis, ipsa Duce non fatigaris, ipsa propitia per-
uenis. Insuper caulas tantæ prærogatiuæ enumerat,
dum gloriosissimam Patronam ita compellat. Per Te
accessum habeamus ad Filium, ò benedicta Inuentrix gratiæ,
genitrix vitæ, Mater salutis; ut per Te, nos suscipiat, qui
per Te datus est nobis. Excuset apud ipsum integritas tua,
culpam nostræ corruptionis, & humilitas tua grata, nostræ
veniam impetret vanitatis. Copiosa charitas tua, nostrorum
cooperiat multitudinem peccatorum, & fecunditas tua glori-
osa, fecunditatem nobis conferat meritorum. Obtura os
impudens; quisquis temerario ausu, Iudiciorum DEI
scrutaris abyssum, & per erratorum humanorum in-
firmita-

Pet. Dā
Jer. 1. de
Natiu.
B. Virg.
D. Bern.
serm. de
Nat. B.
Virg.

D. Bern.
nar.
ser. 2.
de Ad-
uen.
Dni.

firmitatem grassaris insolenter. Propter quod inexcusa-
bilis es, ò homo omnis, qui iudicas (intonat Doctor Gen-
tium) in quo enim alterum iudicas, te ipsum condemnas. *An diuitias bonitatis eius, & patientiæ, & longanimitatis*
eius contemnis? Sed amplius nolo cum vmbris certare
dentatis; & censores istos perrigidos, qui infinitam
bonitatem Dei, cerebrosis includunt cancellis, diui-
no iudicio relinquo. Nostrum sit istud maximum
solatium Illustr. THEODORVM Comitem Tarnouium vitam
vixisse integram; ut alumnum & cultorem virginis
clementissimæ, decebat: ac ideò (& si insperato ab-
reptus sit occasu) nec malè potuisse mori: nobis de-
niq; ab exemplo suo reliquisse doctrinā, certissimam
subitis calibus medicinam: memores ut mortis sem-
per imminentis, ita sobriè iustè, pieq; viuamus, qua-
si nobis continuè rationem reddendam arbitremur.
Incredibile enim est quā facile mors, ut domum no-
stram in fauillam redigat, irritetur. Paulo liberalior
haustus, cursus incitator, defatigatio modica, frigus,
æstus, somnus, vigilia immodica, satis magnæ causæ
sunt, ut mors irritata, flammam in ædificium nostrum
conijciat, nosq; resoluat in Cineres. *Nihil difficile est*
(inquit Stoicus Rom.) naturæ, ubi ad finem sui properat,
Ad originem rerum parcè utitur viribus, dispensatq; se in-
crementis fallentibus: subito ad ruinam, & toto impetu venit.
Quam longo tempore opus est, ut conceptus ad puerperium per-
ducatur infans. Quantis laboribus educatur, & adolescit?
At quam nullo negotio soluitur? Vrbes constituit ætas, hora
dissoluit. Memento sit Cinis, diu sylua. Hoc affigamus a-
nimo, hoc nobis sub inde dicamus, Moriendum est. quando?
quid tua? Mors naturæ lex est, mors tributum, officiumq;
mortalium, malorumq; omnium remedium est. Latet u-
nus dies, ut omnes obseruentur dies, ait D. Augustinus. Et

D. Paul
ep. ad
Rom.
c. 2.

Seneca
lib. 3.
Nat.
quest. c.
27.
lib. 6.
Nat.
quest. c.
37.

E

Salua-

Saluator præcipit: *Vigilate quia nescitis diem neq; horam.*
Itaq; solliciti in re tanti momenti, (siquidem agitur de
æternitate) *vigilemus*: quamuis mortis cogitatio, &
ad illam præparatio, tristitiam ingeneret. Bre-
uem hanc sed salutarem sustineamus tristi-
tiam, vitamq; ad meliorem frugem fle-
ctamus per pænitentiam, vt cum
beatis mentibus, in amænissi-
mo illo Prytanæo immorta-
litis securè ab omni ca-
su, & quieti, gaudi-
js perfruamur
æternis.

D.



